



Sarajevo, 06.02.2023. godine

BOSNA I HERCEGOVINA
VIJEĆE MINISTARA BOSNE I HERCEGOVINE
Trg Bosne i Hercegovine broj 1
71000 SARAJEVO

- n/r predsjedavajuće gospođe Krišto Borjane;
- n/r zamjenika predsjedavajućeg, gospodina Helez Zukana, ministra odbrane Bosne i Hercegovine,
- n/r zamjenika predsjedavajućeg, gospodina Tegeltija Zorana, ministra finansija i trezora Bosne i Hercegovine;
- n/r ministra vanjskih poslova Bosne i Hercegovine, gospodina Konaković Elmedina;
- n/r ministra sigurnosti Bosne i Hercegovine, gospodina Nešić Nenada,
- n/r ministra pravde Bosne i Hercegovine, gospodina Bunoza Davora;
- n/r ministra prometa i komunikacija Bosne i Hercegovine, gospodina Forto Edina;
- n/r ministra vanjske trgovine i ekonomskih odnosa Bosne i Hercegovine, gospodina Košarac Staše;
- n/r ministra za ljudska prava i izbjeglice Bosne i Hercegovine, gospodina Hurtić Sevlida;
- n/r ministrice za civilne poslove Bosne i Hercegovine, gospođe Bošnjak Dubravke;
- n/r generalnog sekretara, gospodina Vidović Roberta;

PREDMET: Osnovica za obračun plate i nacrt budžeta za 2023., hitno usvajanje, tražimo,-

Poštovani,

obzirom da još uvijek nije usvojena Odluka o osnovici za obračun plate za uposlene u institucijama Bosne i Hercegovine kao ni nacrt budžeta institucija BiH za 2023. godinu, reprezentativni sindikati, Savez sindikata policijskih organa, Sindikat Uprave za indirektno/neizravno oporezivanje Bosne i Hercegovine i Sindikat državnih službenika i zaposlenika u institucijama Bosne i Hercegovine, imajući u vidu tešku materijalnu situaciju prouzrokovanu inflacijom i stalnim poskupljenjima, te na osnovu informacija o rastu primanja uposlenih u nižim organima vlasti, traži hitno usvajanje Prijedloga Odluke o visini osnovice za obračun plate u 2023. godini u iznosu od 630,00 KM koju je predložilo Ministarstvo finansija i trezora Bosne i Hercegovine, te usvajanje nacrta budžeta za 2023. godinu kako bi isti započeo proceduru usvajanja u što kraćem roku.

Smatramo da je nepotrebno tešku materijalnu situaciju uposlenih u institucijama Bosne i Hercegovine dodatno obrazlagati.

Također, ukazujemo da je u proteklom periodu od strane više političkih predstavnika u institucijama Bosne i Hercegovine istaknuto negodovanje zbog povećanja osnovice za obračun plate imenovanim i izabranim zvaničnicima zbog čega tražimo da pokažete odgovornost i iznađete način da se obračun plata zaposlenim u institucijama razdvoji od obračuna plate imenovanih i izabranih zvaničnika te nacrt Budžeta uputite u dalju proceduru sa predloženom osnovicom od 630,00 KM po hitnoj proceduri.

Pored navedenog, pozivamo Vas da u što kraćem roku izmijenite Odluku o načinu i postupku ostvarivanja prava uposlenih u institucijama Bosne i Hercegovine na naknadu za službeno putovanje u pogledu iznosa dnevnice sa trenutnih 25,00 na 60,00 KM te eventualnog različitog definisanja „službenog putovanja“ i „operativnog rada“ policijskih službenika, kao i Odluke o visini regresa za 2023. godinu u iznosu predloženom od strane Ministarstva finansija i trezora Bosne i Hercegovine.

Imajući u vidu da se nagomilao veliki broj neriješenih pitanja i problema sa kojima se susreću uposleni u institucijama Bosne i Hercegovine nadamo se skorom sastanku radi otpočinjanja socijalnog dijaloga s ciljem iznalaženja rješenja po istim a koja su u vezi sa radno-pravnim i materijalnim statusom svih uposlenih u institucijama Bosne i Hercegovine.

S poštovanjem,



SSPO u BIH
Dragan Krvavac
predsjednik

Broj: 223



SUINO
Ana Mrnjavac
predsjednica

Broj: 07.02.2023
65/9-02/23



SDSZ BIH
Radenko Mirković
zamjenik predsjednika

Broj: 03-SD-11/23